



ATASSUT

Siverth K. Heilmann

UPA 2016/83

27. 04. 2016.

**Inatsisartut aalajangiiffigisassaattut siunnersuutigineqarpoq Naalakkersuisut
peqquneqassasut 2017-mi innutaasut paasitsiniaaffigineqareernerup aammalu
oqallitsinnejareernup kingorna isumasiuilluni taasitinnejassasut, qanoq Kalaallit Nunaanni
aatsitassarsiornermi piiakkat pingaanerit saniatigut piiakkat sinneranik tunisassiassanik
radioaktiviusinnaasunik takussutissartalinnik imaluunniit akulinnik
atorluarnejarsinnaaneranut atatillugu innuttaasunik isumasiuilluni taasisitsisoqassasoq
qummut qaffasinnerpaaffissaliisoqarnissaanik 0,05%-imut.**

(Inatsisartunut ilaasortaq Steen Lynge, Atassut)

Inatsisartuni ilaasortaq Steen Lynge, Atassut, aalajangiiffigisassatut siunnersuutanut imatut
naatsumik ATASSUT sinnerlugu oqaaseqassaanga.

Siullermik oqaatigissavara, siunnersuuteqartup nammineq, inatsisartuni ilaasortatut
pisinnaatitaaffini atorlugu aalajangiiffigisassamik siunnersuuteqara ATASSUT-miit ataqqigatsigu.

Taamaattorli ATASSUT sinnerlugu oqaaseqartutuut uggorinngitsuunngilara, imaani
inuussutissarsiornitta pingarnersaanni aalisarnikkut, aatsitassarsiornerup suliffissaqartitsinikkut
aningaasarsiornikkullu annertuumik tapertaasinnaaneranut ukiorpanngortunilu maani inimi,
qinersisartut akornanni, tusagassiorfitsigut oqallinnerpassuit pereersut, kiisami inatsisartuni
amerlanerussuteqarnikkut 0-tolerance-mik atorunnaarsitsineq pereernerani, imaattumik
siunnersuuteqartoqarmat.

Oqallittarnerpassuarnut nammineq peqataasareerlunga oqaatigiinnarusuppara, matumani
annertunerusumik utikuluiniiannginnama, taamaattorli oqaatigiinnarusuppara ATASSUT-ip

gruppiani manna eqqartoreerlugu isummerpugut, siunnersuuteqartup aalajangiiffigisassatut siunnersuutaa itigartinneqassasoq.

Taamak naatsumik oqaaseqarlunga ATASSUT-miit itigartitsinerput inatsisartunut nalunaarutigaara.

Qujanaq.